



Broj: 01-246/24  
Sarajevo: 29.07. 2024.godine

**PREDSTAVNIČKI DOM  
PARLAMENTARNE SKUPŠTINE  
BOSNE I HERCEGOVINE**

n/r predsjedavajućeg

Šemsudin Mehmedović

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLIJENO: 29.07.2024			
Organizaciona jedinica	Klasifikaciona oznaka	Redni broj	Broj priloga
01-50-1	1996	129	

U skladu s čl. 170. i 171. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19 i 53/22) postavljam sljedeće

**ZASTUPNIČKO PITANJE ZA  
MINISTARSTVO PRAVDE BOSNE I HERCEGOVINE**

Potrebno je da Ministarstvo pravde Bosne i Hercegovine dostavi stav o statusu bivših radnika SFOR-a koji su bili uposlenici američkih kompanija i radili za Oružane snage Sjedinjenih Američkih Država koje su bile angažovane u okviru SFOR-a , i to u bazama u Tuzli i okolini, u periodu od 1996. godine do 2007. godine. Kakav je stav Ministarstva vezano za pravo ovih radnika da im se plati radni staž za period kada su radili u SFOR-u, uzimajući u obzir tada važeće odredbe zakona o radu u Bosni Hercegovini i Dodatak o odštetnim zahtjevima na Tehnički sporazum između Ministarstva pravde Republike Bosne i Hercegovine i IFOR-a?

U skladu s članom 171. st. (2) Poslovnika Predstavničkog doma odgovor tražim u pisanoj formi.

Образложење

Predstavnici grupe građana odnosno predstavnici nekoliko hiljada bivših radnika SFOR-a upoznali su me s činjenicom da su, kao uposlenici američkih kompanija, radili za Oružane snage Sjedinjenih Američkih Država koje su bile angažovane u okviru SFOR-a, i to u bazama u Tuzli i okolini, u periodu od 1996. godine do 2007. godine. Istakli su da na sve njihove isplaćene plate nisu uplaćeni porezi i doprinosi za radni staž, a koji su bili utvrđeni tada važećim zakonom u Bosni i Hercegovini i smatraju da država mora zaštititi njihova prava, naročito uzimajući u obzir činjenicu da je radnicima koji su radili za SFOR u bazi Sarajevo uplaćen radni staž, što predstavlja nejednak tretman građana Bosne i Hercegovine.

U prilogu dostavljam dopis Glavne komande NATO-a Sarajevo od 08.06.2017. godine.

S poštovanjem,

ZASTUPNIK PS BiH  
Šemsudin Mehmedović



# GLAVNA KOMANDA NATO SARAJEVO

## URED GLAVNOG PRAVNOG SAVJETNIKA URED ZA ZAHTJEVE

Kamp Butmir  
Sarajevo, Bosna i Hercegovina



08.06.2017.

ZLATKO HRUSTIĆ  
AMALIJA LEBENIČNIK 10  
75000 TUZLA

Predmet: Obavjest o dostavi vašeg zahtjeva Uredu za zahtjeve SAD

Naš broj predmeta: NB-170/16

*Poštovani,*

Ovim dopisom Vas obavještavamo da je gore navedeni zahtjev koji ste podnijeli putem našeg Ureda, sada proslijeden Američkom kontingentu, koji je doveo Vašeg bivšeg poslodavca kao certificiranog kontraktora u Bosnu i Hercegovinu, na njihovo razmatranje, rješavanje i odluku.

Prema Dodatku o Odšternim Zahtjevima na Tehnički Sporazum između Ministarstva Pravde RBiH i IFOR-a, SAD, kao odgovorni kontingent, trebale bi donijeti odluku u vezi Vašeg zahtjeva u roku od 90 dana od dana kada prime Vaš zahtjev, te istu odluku dostaviti Vama. Ako ne dobijete odluku u roku od 90 dana, ili ako ne budete zadovoljni odlukom, imate parvo da uložite žalbu Komisiji za Zahtjeve. Žalba bi trebala biti uložena putem našeg Ureda.

Ako imate nekih pitanja u vezi ove pravne stvari, možete kontaktirati naše osobe za kontakt: gospodina Damir Mujičić ili gospodina Maid Delić, putem elektronske pošte: [Claims@nhqsa.nato.int](mailto:Claims@nhqsa.nato.int) ili putem telefona broj 033 495 813 ili 033 495 818.

S poštovanjem,

  
Richard P. Chen  
Major OF-3, USAF  
Glavni Pravni Savjetnik

